

Suliffeqarfiit kukknersiuinermik suliaqartut akuerisat iluminni aaqqissuussaananeratt pillugu Kalaallit Nunaannut nalunaarut

Kukknersiuisut aamma suliffeqarfiit kukknersiuinermik suliaqartut akuerisat pillugit inatsimmi § 28, imm. 3 malillugu, kunngip peqqussutaatigut nr. 219 af 7. marts 2023-kkut Kalaallit Nunaannut atuutilersinneqartoq, aalajangersarneqarpoq:

Kapitali 1

Atuuffia aamma imarisaa

§ 1. Una nalunaarut suliffeqarfiup iluani aaqqissuussaananermut piumasaqaatinik aaqqiineruvoq, tassunga ilagitillugit suliffeqarfiit kukknersiuinermik suliaqartut kukknersiuisut pillugit inatsimmi, kunngip peqqussutaatigut Kalaallit Nunaannut atuutilersinneqartumi, § 1, imm. 2 malillugu suliassanik suliaqartut pitsaassutsimik aqutsinermut atortuinut piumasaqaatit.

Imm. 2. Suliffeqarfiit kukknersiuinermik suliaqartut atortuisa, isumalluutaasa aamma ingerlatseriaasiisa sulianik ingerlatsineranni ataqatigiittuarneq aamma akuttoqatigiisitsisarneq isumannaassavaat.

Imm. 3. Suliffeqarfiup kukknersiuinermik suliaqartup ilumini aaqqissuussaananermut piumasaqaatinik naammassinninnini allakkatigut imaluunniit elektroniskimik uppersarsinnaassavaa, tassunga ilagitillugit pitsaassutsimik aqutsinermut atortup uppersarneqarnera aammalu atornerarnera. Ilumini aaqqissuussaananermut piumasaqaatinik naammassinninnermut atatillugu, tassunga ilagitillugit pitsaassutsimik aqutsinermut atortumut piumasaqaatit, suliffeqarfiup kukknersiuinermik suliaqartup suliffeqarfittut angissutsini aammalu ingerlatsinikkut pissutsini, aammalu attaveqarfinnut ilaanini eqqumaffigissavai.

Imm. 4. Suliffeqarfiup kukknersiuinermik suliaqartup politikkini aamma pissutsini, tak. §§ 2 aamma 3, suliffeqarfimmi atorfilittaminut nalunaarutigissavai.

Kapitali 2

Suliffeqarfiup kukknersiuinermik suliaqartup ilumini aaqqissuussaananeranut piumasaqaatit

§ 2. Suliffeqarfik kukknersiusinermik suliaqartoq ilumini aaqqissuussaaneqassaaq suliffeqarfimmut kukknersiuinermik suliaqartumut aammalu kukknersiuisorisat attuumassuteqannginnerannut aammalu naapertuilluarnerannut navianaataasinnaasut pinngitsoortinneqarnissaat siunertaralugu kiisalu uppersarsaalluni nalunaarnerit pillugit sulianik ingerlatsinermit pitsaassutsip, innarligassaannnginnerup aammalu peqqissaarnerup isumannaarneqarnissaannut. Suliffeqarfiup kukknersiuinermik suliaqartup ilumini aaqqissuussaananermut piumasaqaatit tulluittut naammassissavai

1) suliffeqarfiup kukknersiuinermik suliaqartup politikkini aamma pissutsini aalajangersassavai, piginnittut imaluunniit aktianik pigisaqartut kiisalu suliffeqarfiup imaluunniit siliffeqarfiup attuumassuteqartup siulersuisuisa, pisortaasa imaluunniit nakkutiginnittussaataasa sulianik ingerlatsinermut sukkulluunniit akuliutinnginnissaat isumannaarniarlugu, taassuma kukknersiuisup, suliffeqarfik kukknersiuinermik suliaqartoq sinnerlugu suliaqartup, attuumassuteqannginneranik aamma kinaasusersiunnginneranik nalornilersitsinnaasumik,

2) suliffeqarfik kukknersiuiinermik suliaqartoq aqqissuussaannikkut aamma allaffissornikkut pineqaatissiissutinik aalajangersaassaaq, suliffeqarfiup aammalu kukknersiuisorisat attuumassuteqannginnerannut aammalu naapertuilluarnernannut navianaataassinnaasut kukknersiuisut pillugit inatsimmi, kunngip peqqussutaatigut Kalaallit Nunaannut atuutilersinneqartumi, § 15 a-mi, § 24-mi aamma § 24 a-mi pineqartut pitsaaliornissaannut, suussusersinissaannut, piioneerutsinnissaannut imaluunniit suliarinissaannut, aammalu taakkua pineqaatissiissutit suliffeqarfimmi atorfilittanut nalunaarutigissallugit,

3) suliffeqarfik kukknersiuiinermik suliaqartoq toqqissisimanartunik allaffissornikkut aammalu naatsorsuuserinikkut suleriuseqassaaq, ilumini pitsaassutsimik aqutsinermut ingerlatseriaaseqassaaq, paasissutissanik suliaqarnermut atortut nakkutigineqarnerinut aammalu isumannaallisaanermut navianaataassinnaasunut naliliinermut ingerlatseriaaseqassaaq, suliffeqarfimmi kukknersiuiinermik suliaqartup iluani aalajangiinerit aammalu ingerlatseriaatsit eqquutsinneqarnissaannut isumannaarisunik, aammalu

4) suliffeqarfik kukknersiuiinermik suliaqartoq akissarsisitsinermut politikimik tulluurtumik aalajangersaassaaq, tassunga ilagitillugu sinneqartoorutinik agguaneq, suliap pitsaassusissaata isumannaarnissaanut naammattumik angusatigut nukingisaarinissamut ilaqartoq. Akissarsiat, kukknersiuisup imaluunniit suliffeqarfiup kukknersiuiinermik suliaqartup sulianik allanut suliffeqarfimmut kukknersiorneqartumut suliarinerininngaannit pissarsiaat, angusat pillugit naliliinermut ilaatinneqarsinnaangillat imaluunniit akissarsisitsinermi inunnut peqataasunut imaluunniit suliap suliarineqarneranut sunniuteqarsinnaasunut.

Imm. 2. § 2, imm. 1, nr. 1-imi aamma 4-mi piunasaqaatit, suliffeqarfimmut kukknersiuiinermik suliaqartunut, taamaallaat ataatsimik kukknersiuisoqartunut, aammalu uppernarsaalluni nalunaarnerit pillugit suliaqartunik atorfilittaqaanngitsunut atuutissanngillat.

Imm. 3. Suliffeqarfik kukknersiuiinermik suliaqartoq, kukknersiuisut pillugit inatsimmi, kunngip peqqussutaatigut Kalaallit Nunaannut atuutilersinneqartumi, § 1, imm. 2 malillugu suliffeqarfimmut mikinerusunut suliassanik taamaallaat ingerlatsisoq, pituttugaannginnerusunik periutsinik atuisinnaavoq, ilumini aqqissuussaannermut piunasaqaatinik naammassinninnini uppernarsaruniuk, soorlu eqqaamassutissanik, nalunaarsuiffimmi aammalu immersugassanik.

Imm. 4. Suliffeqarfiup kukknersiuiinermik suliaqartup nakkutigissavaa aamma nalilersussavaa atortut atorneqartut, pitsaassutsimik aqutsinermut atortut aammalu aqqissuussinerit allat siunertanut naapertuunnerat aammalu sunniuteqarluarnerat, kukknersiuisut pillugit inatsit aammalu suliffeqarfiit pisortanut soqutigisaqartut pillugit peqqussut (EU) nr. 537/2014, kunngip peqqussutaatigut Kalaallit Nunaannut atuutilersinneqartut, naapertorlugit pilersinneqartut, kiisalu atortut pilersinneqarsimasut amigaatigisinnaasaat pillugit ikiorsiinissamut pineqaatissiissutinik tulluurtunik aalajangiineq isumagissallugu.

Pitsaassutsimik aqutsinermut atortoq

§ 3. Revisionsvirksomheden Suliffeqarfik kukknersiuiinermik suliaqartoq pitsaassutsimik aqutsinermut atortoqassaaq, minnerpaamik politikkinik aammalu ingerlatseriaatsinik tulluuttunut ilaatitsisumik

- 1) suliffeqarfimmi pitsaassutsimut pisortatut akisussaaneq,
- 2) ileqqorissaarnissamut piunasaqaatit attuumassutillit,
- 3) sullissanut tunngasut pillugit aammalu suliassat immikkut ittut pillugit akuersineq aammalu nangittumik ingerlatsineq,
- 4) inuit isumalluutit, tassunga ilagitillugit kukknersiuisoq aammalu inuit allat suliap ingerlanneqarneranut attuumassuteqartut suliap ingerlannissaanut pisariaqartunik piginnaasaqarnissaat aamma pisinnaasaqarnissaat,

5) suliap ingerlanneqarnera, tassunga ilagitillugu kukkundersiuisumut aammalu inunnut allanut suliap ingerlanneqarnerani pisunut attuumassuteqartunut, suliap ingerlanneqarnissaanut siunnersuineq, nakkutilliineq aammalu misissuineq, aammalu suliamut toqqorsivimmik pilersitsineq,

6) pitsaassutsimik aqutsinermut atortup aammalu uppersaalluni nalunaarnerit pillugit suliat nakkutigineqarneri aammalu naliliivigineqarneri, tassunga ilagitillugu kukkundersiuisut pillugit inatsimmi, kunngip peqqussutaatigut Kalaallit Nunaannut atuutilersinneqartumi, § 28-mi pineqartoq aqqissuussinerup nakkutigineqarnera, kiisalu suliamik ingerlatsinermi innarligassaanginnermut ingasattumik kinguneqarsinnaasut pisut suliarinissaannut aammalu nalunaarsorneqarnissaannut pineqaatissiissutit tulluurtut aammalu sunniuteqarluurtut, aammalu

7) inunnut pingajuusunut suliaassanik avammut tunioraaneq, suliffeqarfiup kukkundersiuinermik suliaqartup ilumini aamma avammut pitsaassutsimik nakkutiginninnerata ajorserianginnissaa isumannaarniarlugu.

Imm. 2. Suliassanik avammut tunioraaneq suliffeqarfiup kukkundersiuinermik suliaqartup aammalu kukkundersiuisup atsiortuusup kukkundersiuisut pillugit inatsit malillugu akisussaaffii aamma pisussaaffii kalluassanngilai.

Imm. 3. Suliffeqarfiup kukkundersiuinermik suliaqartup ukiumoortumik pitsaassutsimik aqutsinermut atortuni naliliivigisassavaa aammalu naliliinerit inernerit kiisalu pitsaassutsimik aqutsinermut atortup allanngortinneqarnissaanut pineqaatissiissutit siunnersuutaasinnaasut nalunaarsortassallugit. Pitsaassutsimik aqutsinermut atortumut akisussaaffik kukkundersiuisumiissaaq akuerisaasumi.

Imm. 4. Imm. 1, nr. 6 malillugu nakkutiginninnermi ingerlatseriaatsini aamma ilaapput, pisuni kukkundersiuisup kukkundersiuisut pillugit inatsimmi aalajangersakkanik unioqqutitsisimasinnaaneranik, imaluunniit unioqqutitsiniarneranik aarlerinaateqarsinnaasut pillugit naammattumik aamma naapertuuttumik suliarinninnissamut isumannaarisut, tassunga ilagitillugit ingerlatseriaatsit, pisut taamaattut suliarineqarnerisa uppersarsarneqarnissaannut, isumannaarisut.

Imm. 5. Suliffeqarfik kukkundersiuinermik suliaqartoq kukkundersiuisut pillugit inatsimmi, kunngip peqqussutaatigut Kalaallit Nunaannut atuutilersinneqartumi, suliffeqarfinnut mikinerusunut, § 1, imm. 2 malillugu suliassanik ingerlatsisoq, pituttugaanginnerusunik aamma annikinnerusunik periutsinik taamaallaat atuisinnaavoq, politikkinik aamma ingerlatseriaatsinik uppersarsaanissaminut aamma nalunaaruteqarnissaminut, soorlu eqqaamassutissanik, nalunaarsuiffinnik aammalu immersugassanik.

Kapitali 3

Atuutilersinneqarpoq

§ 4. Nalunaarut atuutilissaaq ulloq 15. april 2024.

Erhvervsstyrelsen, ulloq 10. april 2024

Jørgen Wissing Jensen

/ Philip Frey